



Paasfees – die boodskap van hoop

Om *Blitsposte* ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Paasfees is 'n fees van hoop, 'n tyd waarin mense regoor die wêreld die kruisiging en opstanding van Jesus Christus herdenk. Dit bied 'n geleentheid om weer na te dink oor ons verhouding met God en hoe ons sy boodskap van hoop in ons daaglikse lewens uiteleef.

In 'n wêreld waar wanhoop dikwels heers, bring Paasfees die boodskap van hoop wat ons harte vul en ons lewens rig. Goeie Vrydag, die dag waarop Jesus gekruisig is, is 'n dag van besinning oor die lyding wat Hy verduur het. Jesus se kruisiging toon dat pyn en hartseer nie die finale woord het nie. Nadat Jesus aan die kruis gely en gesterf het, het Hy op die derde dag uit die dood opgestaan. Paassondag bring die oorwinnende boodskap: Jesus Christus leef! Die opstanding getuig van God se mag oor die dood en sy belofte aan die mensdom dat die lewe nie eindig by swaarkry, lyding en dood nie. Dit gee hoop aan almal wat deur moeilike tye gaan, dat daar lig is, selfs in die donkerste oomblikke.

Jesus se dissipels het ook aanvanklik in vrees en vertwyfeling verkeer na sy kruisiging. Hulle het gevoel asof hul hoop verlore gegaan het, maar toe Jesus aan hulle verskyn, is hul geloof versterk en kon hulle die boodskap van God se liefde en vergifnis uitdra. In 'n wêreld gevul met uitdagings, soos oorloë, siekte, finansiële druk en persoonlike stryd, bly die boodskap van Paasfees vandag nog 'n belofte van God se genade en liefde. Dit moedig gelowiges aan om op te staan uit ons omstandighede van vrees, teleurstelling en wanhoop, en dat ons met geloof en moed vorentoe kan beweeg.

Die boodskap van Paasfees is egter ook nie net beperk tot die viering van 'n enkele dag nie, maar behoort 'n daaglikse en voortdurende realiteit in ons lewens te wees. Dit is 'n herinnering dat ons, ongeag die omstandighede, met hoop en geloof kan leef; dat lig altyd die duisternis oorwin, en dat liefde sterker is as die dood. Dit herinner ons daaraan dat God se beloftes standvastig is en dat ons nooit alleen is nie. Paasfees is nie net 'n historiese herdenking nie, maar 'n lewende werklikheid wat ons aanmoedig om in geloof te wandel en met hoop na die toekoms te kyk.

Ten slotte, Paasfees is 'n fees van hoop wat ons herinner aan God se beloftes en die krag van sy liefde. Dit gee ons die moed om vorentoe te beweeg, ongeag die struikelblokke wat ons in die gesig staar. Mag hierdie Paasfees vir ons 'n tyd wees van stil word, van dankbaarheid en 'n diep wete dat daar altyd hoop is. Mag dit gelowiges bymekaar bring om liefde en hoop te deel en ons te herinner aan Jesus se verlossing, vergifnis en versoening met God. Mag dit 'n tyd van diep besef wees van die ewige hoop wat in Christus gevind word. Mag God se grenslose liefde ons lewens rig om ook met deernis en liefde teenoor ander mense te leef.

Prof Rudy Denton
(Noordwes-Universiteit, Potchefstroom)

Lief en leed



Mev Corrie Meyer



Dr Piet en mev Selma van Staden

- Die Kerk het met leedwese kennis geneem van twee sterfgevalle.
 - Mev Corrie Meyer**, eggenote van wyle ds LJ (Sakkie) Meyer, is op 10 April oorlede. Ons bid die familie vertroosting toe in hierdie tyd. Ds Sakkie was vir geruime tyd predikant in Rustenburg en nou betrokke en geliefd in Gemeente Jac van Belkum. Mev Meyer se herinneringsdiens vind op 22 April om 11:00 by Gemeente Rustenburg-Suid plaas.
 - Mev Selma van Staden**, eggenote van dr Piet van Staden (emeritus/Worcester), is op 15 April oorlede. Begrafnisreëlins is nog nie bekend nie. Mag God die familie vertroosting gee in hierdie moeilike tyd.
- Die volgende predikante verjaar tot 25 April 2025, en word hartlik geluk gewens:**
 - Vrydag 18 April: Ds JH (Hennie) Engelbrecht (35) (Derdepoort)
 - Saterdag 19 April: Ds PJ (Pierre) Jacobs (65) (Outeniqua)
 - Maandag 21 April: Dr JA (Kobus) van Biljon (80) (emeritus), en ds EJA (Edzard) van Baalen (59) (Parkrand)
 - Woensdag 23 April: Di F (Francois) Evert (63) (Hartbeesfontein/Declercqville), en CJH (Casper) Steenkamp (70) (emeritus)
 - Donderdag 24 April: Ds HP (Herman) van den Berg (65) (Elandspoort)
 - Vrydag 25 April: Dr WAJ (Wimpie) van Schoor (62) (Primrose-Oos)

Gemeentes en bediening

- Enige saak wat volgens die Kerkorde onder die aandag van die **Moderamen** gebring moet word, moet mev Karen Breedt (karen@nhk.co.za) asseblief **teen 28 April** bereik **vir 9 Mei** se Moderamenvergadering. **Geen laat sake** sal in die agenda opgeneem word nie.
- Neem asseblief kennis dat die **Boekwinkel** gesluit sal wees van 29 April tot 2 Mei.
- Gemeente Losberg** in Fochville is op 16 Mei 2025 'n volle **100 jaar** oud. Die feesvieringe begin Sondag **18 Mei** met 'n **lofsangdiens** en word op die naweek van **30 Mei tot 1 Junie** voortgesit waartydens ons afskop met ons **100 jaar van genade-basaar**. Die basaar begin Vrydag 30 Mei om 09:00 tot 18:00 en gaan Saterdag 31 Mei van 08:00 tot 13:00 voort. Sondag **1 Junie** vier ons **nagmaal** om 09:30 waartydens groetboodskappe en gelukwense oorgedra sal word. Ná afloop van die diens, sluit ons af met 'n ete en geleentheid om heerlik saam te kuier. Indien u (oud-predikante, oud-gemeentelede en belangstellendes) die geleentheid op Sondag 1 Junie 2025 wil bywoon, moet u asseblief **voor 14 Mei 2025** vir **dr EB Marran** (082 444 1089) of **Sannietjie Boshoff** (072 361 2359) kontak.
- Met groot dankbaarheid en vreugde vier die **Gemeente Parys in 2025 haar 100ste bestaansjaar**. Dit is vir ons 'n besondere mylpaal en 'n geleentheid om die Here se seën oor die afgelope eeu te herdenk. Op **Saterdag 14 Junie** vind 'n **spesiale funksie vanaf 15:00** plaas waartydens ons 'n gedenksteen sal lê. Alle lidmate, vorige lidmate en predikante word vriendelik uitgenooi om hierdie geleentheid by te woon. 'n Feeserediens word op **Sondag 15 Junie om 09:00** gehou waartydens 'n nagmaalsviering en 'n gemeente-ete sal plaasvind. **RSVP** voor of op **14 Mei 2025** by 056 8115026 of parys@nhk.co.za.

Die feeskomitee sal dit opreg waardeur indien daar enige foto's beskikbaar is soos:

- Doopfoto's.
- Troufoto's.
- Foto's van voorstelling en bevestiging van katkisanter.
- Enige ander foto's wat betrekking het tot die feesvieringe.

Verskaf asseblief 'n kort beskrywing by elke foto asook datum indien moontlik. Stuur asseblief aan na parys@nhk.co.za.

Vergaderings

- Dinsdag 22 April: TOF Beurs- en Leningskomitee
- Vrydag 25 April: Oudit- en Risikokomitee

Ringsvergaderings

- Die volgende ringsvergaderings moet nog plaasvind:

RING	VERGADERPLEK	DATUM
CHRISSIESMEER	Chrissiesmeer	10 Mei
HOËVELD	Volksrust	17 Mei
KLERKSDORP	Klerksdorp	18 Mei
KROKODILRIVIER	Hartebeestpoort	12 Mei
KRUGERSDORP	Krugersdorp-Noord	10 Mei
LOSBERG	Sionspoort	10 Mei
MIDDELBURG	Roosenekal	24 Mei
NOORDELIKE BOSVELD	Naboomspruit	7 Mei
OOS-RAND	Alberton	25 Mei
PRETORIA-WES	Centurion-Oos	18 Mei
ROODEPOORT	Kruin	17 Mei
RUSTENBURG	Rustenburg-Tuine	1 Junie
SWELLENDAM	Outeniqua	10 Mei
VEREENIGING	Vanderbijlpark	3 Mei
VRYSTAAT	Bloemfontein	25 en 26 April
WES-KAAPLAND	Strand	10 Mei

'n Gedig

Goeie Vrydag

By die blaas van die eerste sjofar
tuimel 'n wind oor die Olyfberg en
sluip boggelrug in die rigting van Gethsemane
die wind draai en styg en steier,
maar die wind luister en luister
na die gebeier van kerkklokke in Jerusalem,
die wind snak na asem by Golgota en biggel vervaard oor die grond
waar duiwe pik-pik na krummels op 'n gebreekte marmerklip.
Hoe ongedurig die honger na brood: brood van sy gebreekte lyf.
Die grootsheid van sy almag, dat Hý selfs die wind
gebied om in stilte voor Hom te kniel.

Christiaan Joubert

www.litnet.co.za/goeie-vrydag/

Kerklke en ander publikasies



R250

**GESKIEDENIS VAN DIE HERVORMDE KERK
1824-2024**

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za

Fondsinsamelings

- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekureit. **Vir navrae oor tariewe en vir besprekings,** kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

Toerusting

- **Gemeente Randfontein Midpark**, geleë te Tortelduifstraat 18, Helikonpark, bied weer die **Stasies van die Kruis** aan. Ons nooi medegeloofsreisigers uit om die lyding en kruisiging van Jesus Christus te kom beleef. Tye vir besigtiging is elke weeksdag tussen 08:00 en 16:00 en Sondae voor en na die ereidens om 08:30. Almal is welkom om hierdie geloofsreis te onderneem. Vir verdere inligting kontak die **gemeentekantoor by 011 692 3236**.
- **Stasies van die Kruis by Gemeente Centurion-Oos**, Napierweg 103, Lyttleton. Die Stasies van die Kruis bied ons die geleentheid om in ons eie leefwêreld 'n pelgrimstog te onderneem en in die gees die krag van die Pase te beleef. Jy is welkom om dit saam op **jou eie tyd** te kom beleef. Dit sal sinvol wees om 'n uur of meer opsy te sit om deur die stasies te beweeg. Die stasies verskil jaarliks. Daar is 'n handleiding beskikbaar by die begin van die stasies. Toegang is gratis, maar donasies is welkom (kontant, elektroniese oorplasing, Zapper). Die donasies word vir aangewend vir skenkings aan plaaslike ouetehuse vir noodsaaklike items.
 - Woensdag 16 April: 11:30-14:30 en 16:00-19:00
 - Donderdag 17 April: 16:00-18:30
 - Vrydag 18 April: 10:30-13:00
 - Saterdag 19 April: 09:00-12:00
- **Die Werkgemeenskap Historiese Teologie (SA) se konferensie** vind op **12-13 Augustus** by Gemeente Pretoria-Oos plaas. Hierdie jaar word Nicea 1700 gevier. Dit is belangrik dat kerke en akademici hierdie belangrike gebeure herdenk. Daarom word die bogenoemde konferensie beplan met die tema **Skrif-Belydenis-Liturgie - Nadenke oor die Belydenis van Nicea**.

Die Werkgemeenskap Historiese Teologie (SA) in samewerking met die Departement Sistematiese en Historiese Teologie van die Universiteit van Pretoria nooi u uit om 'n voorstel in te dien vir 'n **akademiese bydrae** tydens die konferensie. Sprekers sluit in akademici van verskillende toonaangewende universiteite.

Tydlyn

- 31 Mei 2025: Abstrak word ingedien
- 12 Julie 2025: Finale program word uitgestuur
- Konferensie: 12-13 Augustus 2025.

Meer inligting oor die konferensie sal nader aan die tyd in *Blitspos* gepubliseer word. Vir enige verdere navrae kontak gerus die volgende persone: prof WA Dreyer (wimdreyer@nhk.co.za) of dr Antionette Janse van Rensburg (antoejvr@gmail.com).

VTT 2025

Geroep – Ek glo en ek bely...

Voortgesette Teologiese Toerusting (VTT) is 'n jaarlikse afspraak wat predikante onderling met mekaar het. Tydens ons werksessies slyp ons mekaar teologies en motiveer ons mekaar om die teologiese uitkomst in ons bediening tot uitvoering te bring.

Verlede jaar se tema het oor roeping gehandel en vanjaar vier ons Nicea 1700 of te wel, die Niceense Geloofsbelydenis wat 17 eeue gelede die lig gesien het. Tydens ons saamgesels gaan ons oor die essensie van Nicea gesels, homiletiese insigte deel en ook wyses vind oor hoe om die eeueoue belydenis in ons liturgie en gemeentes te laat herleef.

Geroep – ek glo, ek bely... Streeksindeling VTT 2025		
Streek	Ringe	Datum Plek van VTT
Gauteng Pretoria	Pretoria, Magalies, Pretoria-Wes, Krokodilrivier	6-7 Mei Philadelphia
Gauteng Johannesburg	Johannesburg, Brakpan, Germiston, Zuurfontein, Krugersdorp, Roodepoort, Vereeniging Kollegas wat PTA VTT nie kon bywoon nie.	4-5 Junie Kempton Park-Oos
Oos Kaap	Oos-Kaapland	Tweeweklikse virtuele gesprek
Noordelike Bosveld	Noordelike Bosveld, Laeveld	6 Mei Naboomspruit met ringsvergadering
Natal	Pietermaritzburg, Noordelike Natal	Aanlyn VTT
Mpumalanga	Middelburg, Hoëveld, Chrissiesmeer, Bronkhorstspuit	5-6 Augustus Genesaret by Chrissiesmeer
Bloemfontein	Bloemfontein, Noord-Kaapland	Aanlyn VTT
Noordwes	Potchefstroom, Klerksdorp, Maquassie, Vrystaat, Noordkaap, Rustenburg, Zeerust, Losberg	19-20 Augustus Venterskroon
Kaap	Wes-Kaapland en Swellendam	Aanlyn VTT
Namibië	Dorsland	Desember aan die kus

Pensionaris-Dinsdae



DIE KRAG
van herinneringe

DS HANNES VAN DER MERWE
— PENSIOENARIS-DINSDAE

BY DIE VOORTREKKERSAAL (VTM) 

besprekings@kultuurtuiste.org.za
irene@kultuurtuiste.co.za 

069 471 3864
071 330 7699 

10:00 TOT 12:00

R60 PER PERSOON

22 APRIL 2025



Barmhartigheid

- Kom geniet 'n heerlike oggend van sang saam met **Jak de Priester** op **24 April** om 10:00 by **Seniorstuis Dienssentrum**, Parkerstraat 105, Riviera, Pretoria. Koste beloop R150 per persoon en kaartjies kan per kaart of kontant by die Dienssentrum se adminkantoor (012 329 3707 of stadmin@otmt.org) gekoop word. Kaartjies is ook by die res van die Ons Tuis-tehuise beskikbaar. Verversings word na die vertoning te koop aangebied by ons Toeka Restaurant wat vanaf 1 April by die Dienssentrum bedryf word.

- Die volgende **NHSV-streekbyeenkomste** moet nog plaasvind:

DATUM	STREEK	GEMEENTE
9 & 10 Mei	Dorsland	Windhoek
17 Mei	Noord-Kaap	Vryburg
24 Mei	Noordelike Pretoria	Rietvallei
24 Mei	Pretoria	Rietvallei
31 Mei	Wes-Kaap	Worcester
28 Junie	Noordwes	Klerksdorp
2 Augustus	Bloemfontein	Goudveld
2 Augustus	Oos-Rand	Springs-Oos
16 Augustus	Oos-Transvaal	Lydenburg
16 Augustus	Rustenburg	Schoemansdal
23 Augustus	Hoëveld	Secunda
23 Augustus	Wes-Rand	Weltevreden
20 September	Noord-Transvaal	Welgelegen
27 September	Vaalrivier	Deo Volente
11 Oktober	Natal	Glencoe
Sal aangekondig word	Oos-Kaap	Port Elizabeth

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemsse of matrone Jenny Wesson by 012 386 5310.
 - **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
 - **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000
- Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.
- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
 - **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
 - **Athalia Uitreik in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbriëf

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbriëf geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak

word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.

Gebed vir die week

Jesus,

My hart is seer dat die marteling en hartseer
wat U aan die kruis moes verduur,
nodig was om die mensdom te red.

U wou nie hê dat ons slawe
van vrees, angs of sonde moes wees nie –
daarom het U Uself opgeoffer
sodat die liefde kon oorwin.

Dis liefde wat aan die kruis gehang het
en alles prysgegee het om ons te red.

Dit is volbring was 'n oorwinningskreet,
want U het alles verslaan
wat ons in ballingskap gehou het.

Te danke U opoffering
kan ek vir altyd 'n hegte verhouding met U ervaar.
Dankie!

Wys my hoe om u liefde vandag en elke dag bekend te maak.
Gebruik my om die wêreld te bereik vir wie U gesterf het
sodat ons verlos kan word.

Amen.

www.blog.youversion.com/af_ZA/2022/04/n-goeie-vrydag-gebed/

Redakteur:
Subredakteurs:
Koördineerder:
Uitlegkunsenaar:
Joernalis:

Dr Johan van Staden
Ds Etienne Fourie en dr Annette Botha
Mej Sanet du Plessis
Mnr Hugo van Niekerk
Ds Iwona Hartmann